



Koligasaun Transforma Peska Arrastu-Husi-Okos

Koligasaun Mundiál Ba Mudansa

Iha tinan sira ikus ne'e hatudu mai ita impaktu husi hari'i movimentu ida atu oinsá mobiliza sidadaun sira. Iha mundu-rai-klaran, ema rihun ba rihun halo demonstrasaun iha fatin públiku tanba injustisa rasiál no inasaun ba ita-nia mudansa klimátika. Husi organizasaun baze sira mak movimentu globál sira hahú mosu. Ita hare ona katak atu hasoru problema sistema ida ne'ebé boot, ita tenke fó liman ba malu, ne'ebé mak antes ne'e ita nunka halo.

Tan ne'e ita hakarak hari'i movimentu globál ida hodi buka solusaun ba prátika peska ne'ebé destrutivu no hadia filafali ita-nia tasi laran. Ita hari'i ona koligasaun jeral ida ba peskadór eskala kí'ik sira, kompañia marisku sira, konservasionalista sira, negósiu turizmu lokál sira, matenek-na'in sira, jestor no peritu iha polítika peska nian ne'ebé hakarak fó an ba mudansa ida ne'ebé inklusivu, olístiku, no dura. Ita hamutuk ho peskadór eskala kí'ik sira, hamutuk ho ambiente hodi dedika an atu tau nesesidade komidade kosteiru sira nian iha oin.

Ita-nia movimentu ne'e sei kordena ho frente komun ne'ebé unidu hodi kontra prátika peska ne'ebé aat liu no destrutivu liu - peska arrastu-husi-okos - no kria solusaun polítika koerente ho lian ida. Ita sei fó espasu seguru ida ne'ebé komidade kosteiru sira bele hato'o oinsá peska arrastu-husi-okos afeta sira-nia moris no seguransa ai-han, no dezenvolve solusaun ne'ebé viável ba sira. Ita sei envolve ho ró-ahi lokál sira atu buka métodu alternativu no fasilita tranzisaun ida ne'ebé justu. Alende ne'e, hamutuk ita sei hasa'e ita-nia lian hasoru indústria peska ne'ebé politikamente iha influensia boot

no sai hanesan risku boot ba individuu sira ne'ebé mesak. Ho abordajen ne'e, koligasaun ida ne'e sei esforsa hodi hakbiit, ho seguru no ho justu, ema sira ne'ebé depende barak liu ba ekosistema tasi nian ne'ebé saudavel.

Ita-nia Xamada ba Asaun

Ultrapasa Urjénsia Oseánika

Kompara ho uluk, agora daudaun tasi sai hanesan asuntu importante liu, no nia mós sai ameadu liu ona. Nia mak kontrola ita-nia klima no tempu. Nia fornese oksijéniu ba hotu-hotu no proteina ba buat barak. Nia sai uma ba moris furak oin-oin. Maibé nia mós hetan atentadu husi fatin oin-oin. Sobrepeska, poluisaun, no krize klimátika. Problema hirak ne'e halo mudansa ba ita-nia tasi ne'ebé ita nunca haree antes. Sira hamate moris iha tasi laran, no sai ameasa ba rekursu ikan sira ne'ebé sai hanesan hahán ba ema lubuk ida no moris ba ema rihun-rahun.

Maske atu rezolve krize klimátika ne'e kompleksu tebes, maibé atu hapara sobrepeska ne'e simples. Ita hatene problema sira ne'e no oinsá atu hadi'ak. Ita hatene ona katak problema hirak ne'e bele rezolve ho polítika konkreta no prátika sira ne'ebé bele replikadu iha mundu tomak. No ita hatene ida ne'e sei halo ita-nia tasi no buat hotu ne'ebé iha nia laran sai reziliente liu tan iha mundu ne'ebé manas ba daudaun.

Ami fiar katak buat boot ida ne'ebé ita bele halo atu kombate urjénsia oseánika mak hadi'ak no kontrola sobrepeska. No ami fiar katak ida ne'e tenke hahú liu husi hadi'ak métodu peska eskala industriál ne'ebé maioria halo estraga.

Presiza atu rezolve peska arrastu-husi-okos

Métodu eskala industriál ne'ebé koñesidu liu ba kaer ikan ne'e sai hanesan métodu destrutivu ida. Ema sira ne'ebé peska arrastu husi okos, dada rede boot ne'ebé todan hodi suru hahán tasi nian husi tasi nia okos liu, no tinan-tinan hetan besik tonelada hamutuk tokon 19. Ida ne'e kuaze kuartu-ida husi dezembargasaun mariña globál no ne'e montante ida boot liu husi métodu peska sira seluk. Iha parte mundu balun, dezembargasaun hahán tasi nian barak liu mai husi maneira ida ne'e.

Ida ne'e prátika ne'ebé estraga ita-nia tasi no prejudika sira ne'ebé depende ba tasi hodi han no moris. Rede arrastu nia luan hanesan kampu futeból mak ke'e ita-nia tasi okos, hodi hamate moris tasi nian ho montante ne'ebé boot. Ambiente vulnerável iha tasi

ne'ebé fornese hahán no hakiak kriatura tasi oin-oin bele rahun hotu iha minutu balun de'it nia laran. Barak mak labele rekupera fila fali.

Peska ho maneira ne'e mós bele konsidera hanesan indiskriminadu. Modifikasaun ba instrumentu kail no jestaun bele hadi'ak buat balun ona, maibé animal tasi barak mak mate tanbá la iha planu. Iha tinan 65 nia laran de'it, peskadór arrastu tasi okos nian estraga ona kriatura tasi nian ne'ebé la tama iha alvu hamutuk tonelada tokon 400. Ida ne'e inklui hotu espésie protejidu sira no mega-fauna mariña nian to'o ikan ho folin boot iha merkadu sira ne'ebé tama hotu iha peskadór eskala ki'ik sira nia alvu. Karik ita sura hotu hirak ne'e iha dezembarkasaun, nia folin hamutuk bele besik US\$650 billaun.

Destruisaun kauza husi peska arrastu husi okos ne'e boot liu saida mak ita haree iha estragu ba moris tasi nian. Ema hamutuk liu tokon 100 mak depende ba subsisténsia husi tasi ninin no ba peska artezanal ho eskala ki'ik hanesan sira-nia ai-han loron-loron hodi sustenta moris - dala barak iha tasi ne'ebé peskadór arrastu sira mós tama hodi estraga. Bainhira ita harahun habitat sira ne'ebé kompleksu no prejudika populasaun ikan, peska arrastu-husi-okos kria konfliktu no hatun peska sira ne'ebé importante ba ema barak ne'ebé mak vulnerável liu iha mundu hodi buka moris no seguransa hahán nian.

Impaktu klimátiku

Hafoin iha mós impaktu husi klima. Sedimentu tasi no habitat ne'ebé hetan estragu hosi rede arrastu nian mak sai rezervatóriu karbonu boot liu iha mundu. Kada tinan, arrastu-husi-okos hasai CO₂ ho estimasaun hamutuk tonelada billaun ida husi tasi okos, montante ida ne'ebé balun kompara hanesan ho emisaun husi seitór aviasaun tomak. Enkuantu, ita seidak hatene loloos kuantidade karbonu hira mak sei nafatin iha tasi laran no hira mak sei sa'e ba leten, saida mak ita bele dehan mak nia sei asidifika ita-nia tasi sira no prejudika liu tan ita nia produtividade no biodiversidade. Alende ne'e, iha tan emisaun husi peskadór arrastu sira rasik, ne'ebé mak aas liu kompara ho kualker métodu ba produsaun ai-han nian. Simplesmente, peska arrastu-husi-okos nia negósiu la kompatível ho ita-nia mundu líkida zero.

Suporta peska eskala ki'ik, suporta ambiente

Ida ne'e hateten, ami rekoñese katak la'os peska arrastu-husi-okos hotu-hotu estraga abitat, populasaun ikan, no planeta ida ne'e. Iha peska ho eskala ki'ik balun uza arrastu

ne'ebé hetan enerjia husi bero nia laran, ai fose, no mós kuda. Sira fó kontribuisaun ne'ebé simples ba dezembargasaun globál, no la'os alvu husi xamada ba asaun ne'e.

Pelu kontráriu, ita-nia foku ba ró-tasi motorizada sira uza ekipamentu kail hodi reboka husi okos, iha tasi kosteira no area mariña protejidu iha mundu tomak. Arrastu hanesan ne'e, ita fiar katak, só iha eskala industriál de'it, só bele sobu seguransa hahán iha longo prazu de'it, no, ba habitat kompleksu sira, nia só bele estraga de'it. Iha parte balu iha mundu, iha peska arrastu-husi-okos ne'ebé ita fó naran "eskala kí'ik". Iha peskadór arrastu kí'ik-oan iha Indonézia, Filipina no iha UE. Maibé ró hirak ne'e hanaran eskala kí'ik de'it atu nune'e no bele permite sira tama iha zona tasi klaran rezervadu ba peskadór lokal sira. Ho esforsu ka kapasidade saida deit, ita konsidera sira hanesan ho eskala industriál, nune'e, merese transformasaun kolaborativa.

Hapara subsídiu no fó tranzisaun justu

Ita rekoñese katak ró-tasi arrastu-husi-okos barak la'os arkitetu ida ho intensaun ba danu ambientál, maibé ida ne'e rezultadu husi subsídiu nasionál ne'ebé favoravel no laiha regulamentu. Peska arrastu-husi-okos hetan osan dolar tokon atus ba atus iha subsídiu globál tinan-tinan, maibé la selu buat ida ba estragu habitat peska sira, prejudika seguransa hahán lokál no hasai kuantidade CO₂ ne'ebé boot ba ita-nia tasi no ita-nia lalehan. Subsídiu hirak ne'e mak kontribui ba defisiénsia merkadu ida boot liu ba ita-nia tasi, no nafatin fó apoiu peska ne'ebé loloos ne'e la sustentável finanseiramente.

Maske ita rekoñese katak frota sira ne'e balun fó ona benefisiu ba comunidade kosteiru sira iha tempu badak (liuhosi fó empregu iha ró-ahi no facilidade prosesamentu, no iska ba peskadór eskala kí'ik sira), maibé iha tempu naruk, peska ho maneira ida ne'e la sustentável. No istória hatudu ona mai ita katak sofrimentu husi peska ne'ebé naksobu ona todan liu lukru iha tempu badak husi peska ida ne'ebé la sustentável. Tan ne'e, ita hein atu estadu sira deriji subsídiu perigozu sira ne'e no la'o ba oin ho aten-brani hodi apoiu tranzisaun ne'ebé justu, salvaguarda direitu traballadór sira ne'ebé dezlokadu ona, no rezolve konsekuénsia sira ne'ebé bele mosu husi restrisaun peska arrastu nian.

Ita-nia objetivu husi xamada ida ne'e?

Arrastu-husi-okos ne'e kazu espesial ida: nia prejudika seguransa hahán lokal no lori konflitu ba comunidade kosteiru sira ne'ebé vulnerável. Laiha métodu peska seluk tan mak kauza danu makaas liu. Laiha métodu peska seluk tan mak la kompatível ho dalan ba líkidu zero hanesan ida ne'e. Ba planeta ida ne'e, ba ita-nia tasi no ba ema tokon ba tokon ne'ebé depende hodi han no moris, ita presiza transforma peska arrastu agora.

Ita hakarak atu rezolve peska arrastu-husi-okos ho urjente husi nasaun kosteiru sira, ho evidensia atu reduz ain-fatin ba tinan 2030.

Atu tulun atinji objetivu ida ne'e, ita bolu Estadu sira, no halibur organizasaun ba peskadór sira no parte interesada sira seluk, atu:

- 1.** Estabelese, habelar no haforsa zona ekskluzau nasioná tasi-klaran sira (ka IEZs) ba peskadór eskala ki'ik sira iha área ne'ebé peska arrastu-husi-okos proibidu.
- 2.** Hapara peska arrastu-husi-okos iha área mariña protejidu hotu (sai hsui IEZs) atu asegura habitat vulnerável sira no ekosistema bele hetan protesaun no rekuperasaun ne'ebé efikaz.
- 3.** Hakotu subsidiu ba peska arrastu-husi-okos no aloka osan no rekursu tékniku ba apoiu tranzisaun justu ba frota sira.
- 4.** Hapara habelar peska arrastu-husi-okos ba área foun no seidauk arrastu.

Ba informasau kle'an liután, ka hakarak kontaktu, bele vizita www.transformbottomtrawling.org